



Anchorage School District

Aoaoga Faapitoa, Medicaid

5530 East Northern Lights Blvd • Anchorage, AK 99504 • 907-742-6068 • asdk12.org
asdschoolbasedservicesmedicaidoffice@asdk12ak.onmicrosoft.com

2021-2022 FAASILASILAGA FAALETAUSAGA MO MATUA E Uiga i le Maliega e Pili le Medicaid

O le Anchorage School District (ASD, Faalapopotoga mo Aoga i le Itumalo o Anchorage), o loo auai i le Alaska Medicaid School-Based Service (SBS Medicaid, Auaunaga Tau Medicaid Mo Aoga) polokalame. E fesoasoani leni polokalame i aoga o loo i itumalo o Alaska i le toe totogi faatumuina mai o se vaega o totogi mo auaunaga tau foma'i o le Individual Education Program (IEP, Polokalame mo le Aoaina Taitoatasi) ma/po o le Individual Family Service Plan (IFSP, Fuafuaga mo Auaunaga i Aiga Taitoatasi). E mauaina e tamaiti aoga ASD nei auaunaga manaomia o le IEP po o le IFSP e aunoa ma se totogi mai le aiga o le tamaiti aoga, tusa lava po o le a le latou tulaga agavaa mo le Medicaid.

I le 2013, na toe teuteuina ai le Individuals with Disabilities Education Improvement Act (IDEA, Tulafono mo le Faaleleia o Aoaoga mo Tagata Taitoatasi e i ai Manaoga Faapitoa) ia faatagaina ai aoga i itumalo ona mauaina se maliega mai se matua/tausi fanau mo se taimi e tasi e faailoa atu ai faamatalaga mai faamaumaga tau aoaoga a le tamaiti i nisi i fao, e pei o le Alaska Medicaid, ia mafai ai ona mauaina penefiti lautele po o le inisiua a le tamaiti mo le taimi muamua. Ae lei mauaina se maliega, faapea le toe mauaina faaletausaga i tua atu, e tatau ona saunia e aoga i itumalo ni faasilasilaga tusitusia e ogatasi ma le (IDEA) 34 CFR 300.154(d) faapea foi le Family Educational Rights and Privacy Act (FERPA, Tulafono o Aia Tatau Tau Aoaoga ma Tulaga Faailolilo o Aiga).

O le a mulimuli mai nei vaega autu o tulafono faatonutonu mo le polokalame o le SBS Medicaid:

- E lē faamalosiā le maliega. Afai e tetee le matua i le faia o le Maliega e Pili le Medicaid pe ua manao e faalēaogaina se maliega na faia talu ai, o le a maua pea e le tamaiti auaunaga o loo i lana IEP e aunoa ma se totogi mai le matua.
- E mafai ona faalēaogaina se maliega i le faia o se tusi i soo se taimi.
- O faasilasilaga tusitusia faaletausaga mo le matua/tausi fanau e faatatau i le Maliega e Pili Medicaid e mafai ona:
 - Lafo i le meli i matua;
 - Imeli pe afai e talosagaina e matua, ma pe afai e ogatasi ma faiga faavae o le Setete po o faalapopotoga lautele;
 - Mauaina i se fonotaga a le Vaega o le IEP pe afai e faia le fonotaga ae lei oo i le taimi muamua e mauaina ai e le ASD penefiti lautele po o le inisiua a le tamaiti po o le matua;
- O le ASD, e lē mafai ona faaogaina penefiti a se tamaiti, pe afai o lena faaogaina o le a:
 - Faaititia ai penefiti avanoa mo le olaga atoa po o se isi penefiti o loo inisiua;
 - I'u ai ina totogi e le aiga auaunaga ana lē seanoa ai e kava e penefiti lautele po o se polokalame inisiua ma o loo manaomia mo le tamaiti i fao o taimi aoga a le tamaiti;
 - Siitia ai totogi faatulaga (premiums) pe oo ai ina motusia penefiti po o inisiua; pe
 - Lamatia ai le faaititia o le agavaa mo tuusaunoaga tau fale ma tau nuu ma afioaga, e faatatau i tupe totogi faaputupu mo mea tau soifua maloloina.
- O auaunaga e mafai ona toe totogi faatumuina e aofia ai togafitiga tau galuega, togafitiga faaletino, auaunaga tau tautala-gagana, auaunaga tau faalogo, auaunaga faalemafaufau, auaunaga faatausimai, ma auaunaga tau soifua maloloina o amioga.

O le tusi leni o le a fai ma faasilasilaga faaletausaga mo oe mo le tausaga aoga 2021-2022. Afai ua e mauaina leni tusi, o loo faamaumauina se maliega e faatagaina ai le ASD e lafo ni tagi i le Alaska Medicaid mo le toe totogi faatumuina mai o auaunaga agavaa na faia mo lau tama e tusa ai ma se IEP po o se IFSP. O tagi e lafoina i le Alaska Medicaid e mafai ona aofia ai ma faamatalaga patino faailoaina o loo talafeagai tonu ma nei auaunaga.

Mo ni fesili, popolega, po o le fia mauaina o se kopi o le pepa faatumu mo le maliega a matua, faamolemole faafesootai le ofisa a le ASD Medicaid i le telefoni, imeli, po o le pusa meli e faaoga ai faamatalaga mo fesootaiga ua taua i luga.